

Empat kali banjir setiap tahun

Oleh Mohd Idris Sulaiman
am@hmetro.com.my
Parit

■ Penduduk Kampung Raja minta selesai masalah berlarutan sejak 15 tahun

“Kami sudah letih dan berharap kerajaan dapat menangani segera kejadian banjir kilat yang berlaku di kampung ini,” kata Azhar Ismail, 30, mangsa banjir kilat di Kampung Raja di sini.

Menurutnya, kejadian banjir kilat yang melanda kampung itu kelmarin hingga semalam sudah berlarutan sejak 15 tahun lalu dengan penduduk berdepan antara empat hingga lima kali kejadian itu setiap tahun.

Katanya, sistem perparitan tidak teratur dan tersumbat mengakibatkan kampung itu dinaiki air sedalam antara 0.5 hingga satu meter setiap kali hujan lebat berterusan mengakibatkan kerosakan harta benda seperti perabot, barangan elektrik dan kende-

FAKTA
JPS diarahkan bertindak segera atasi banjir



AZHAR membersihkan rumah selepas banjir melanda.



SISTEM perparitan tidak teratur dan tersumbat mengakibatkan Kampung Raja dinaiki air.

raan. Menurutnya, selain longkang di tepi jalan utama tersumbat, kawasan perumahan itu yang terletak di kawasan rendah turut men-

jadi punca berlaku banjir kerana air yang mengalir dari estet Sadang berhampiran melimpah ke penempatan penduduk.

Sementara itu, Ahli Par-

limen Parit Datuk Mohd Zaim Abu Hasan mengarahkan Jabatan Perparitan dan Saliran (JPS) mengambil tindakan segera menyelesaikan masalah itu.

Beliau berkata, beberapa kawasan seperti Kampung Raja, Kampung Tua dan Kampung Selboh sering dinaiki air apabila hujan lebat berterusan dan terbaru kel-

marin apabila tujuh keluarga di Kampung Raja terpaksa dipindahkan ke pusat pemindahan di Dewan Orang Ramai kampung itu selepas rumah mereka dinaiki air.